



## Terenga 5: Hōtaka 47 – He kupu hāngū taunaki

### He Mihi

Tupu te toi, ora te toi, whanake te toi, nō Hawaiiki te toi. Tupu te reo, ora te reo, whanake te reo, nō tātou te reo. Kei ngā ringa manaaki i ngā renga o te ahi o te reo, hou mai ki roto i te whare o Ako.

### Hei Mahi Whakarongo

Nō Te Aupōuri te kaikōrero o te rangi nei, e uiuitia ana e Chris Winitana o Te Tēpu.

### Anei ngā pātai hei whakautu mā koutou:

- 1) He aha te manu rangatira e kōrerohia nei?
- 2) He aha ngā momo e rima i whakahuatia ai?
- 3) Ka pēhea te rerenga o te manu rā?

Kia whakarongo tātou ki ngā whakamārama a Peter Lucas Jones mō te kūaka.

### He Whakamārama

Ki te taunaki tētehi kupu matua, tētehi kupu hāpai rānei i te kupu hāngū i mua i a ia, me whai whiore hāngū taua kupu taunaki. Anei ētehi tauira:

- a) E **kitea** whānuitia ana tana kanohi i te motu.
- e) I **kōrerotia** nuitia taua take i te hui.
- i) Kei te **waiatatia** tonutia ngā waiata mō ngā pakanga.
- o) Ka **taea** tonutia e tātou te kite ngā hua.

Heoi, ehara i te mea me whai whiore hāngū te kupu hāngū tuatahi i ngā wā katoa (hāunga rā te kupu 'taea') E tika ana te takoto o ngā kupu kei roto i ēnei tauira:

- a) E **kite** whānuitia ana tana kanohi i te motu.
- e) I **kōrero** nuitia taua take i te hui.
- i) Kei te **waiata** tonutia ngā waiata mō ngā pakanga.

### He Mahi ĩ-papa

Whakahāngūtia te rerenga kei runga i ngā ĩpapa

E hari haere ana te iwi i te tumuaki hou ki ngā hui.

### Hei Mahi

#### Whakahāngūtia ēnei rerenga kōrero:

1. Kei te rongo tonu aku taringa i te reo o aku kaumātua.
2. I kite tuatahi au i tērā kiriata i tawāhi.
3. Kua whai kē koe i aku tohutohu.
4. Kei te mōhio whānui te motu ki a ia.
5. I kukume rawa te tangata i te taura.

### Whakautu:

Mahi ĩpapa: E hari haeretia ana e te iwi te tumuaki hou ki ngā hui.

1. Kei te rangona tonutia te reo o aku kaumātua e aku taringa. / Kei te rongo tonutia te reo...
2. I kitea tuatahitia tērā kiriata e au i tawāhi. / I kite tuatahitia tērā kiriata...
3. Kua whāia kētia aku tohutohu e koe. / Kua whai kētia aku tohutohu...
4. Kei te mōhioia whānuitia ia e te motu. / Kei te mōhio whānuitia ia...
5. I kumea rawatia e te tangata te taura. / I kume rawatia e te tangata...